

Jokanović Sekula



Dana 23.10.2001.godine, u Sarajevu umro je naš kolega gospodin Jokanović Sekula.

Rođen je 1932. godine u Bileći, gdje je završio osnovnu školu i nižu gimnaziju. Srednju geodetsku školu završava u Sarajevu 1952. godine. Po završetku škole zapošljava se u R.G.U. BiH sekcija Banja Luka i u međuvremenu odlazi na odsluženje vojnog roka ŠRIO Karlovac. Po povratku iz vojske

radi na poslovima popisnog katastra u Bosanskoj Krajini, a zatim na poslovima klasičnog premjera, aerofotogrametrijskog snimanja zemljišta, itd.

Formiranjem sekcije za fotogrametriju u Sarajevu 1959. godine kao vrstan stručnjak premješten je u tu sekciju.

Osnivanjem Geodetskog zavoda 1962. godine i dalje ostaje u R.J. Fotogrametrija, gdje radi na poslovima restitucije, obuke mladih kolega na fotogrametrijskim instrumentima kao i tehničke stručne kontrole istih.

Sekula i njegov nemirni, kreativni ali korektni duh se i dalje provlače širom BiH na terenskim radovima premjera, kao tehnički kontrolor a poslije kao rukovodilac radilišta.

Zato ćemo napomenuti jedan dio radilišta na kojima je radio bilo kao izvođač, kontrolor ili rukovodilac:

Od 1952. do 1959. godine: Bijeljina, Derventa, Bosanski Šamac, Lončari, Gradiška, Dubica

Od 1963. do 1964. godine: Prijedor, Breza, Doboj, Brčko

Od 1968. do 1969. godine: Bejrut (Liban)

Od 1973. do 1987. godine: Travnik, Srebrenik, Gradačac, Foča, Bosanska Krupa, Sanski Most, Bijeljina, Visoko, Livno, Tuzla, Sokolac, Brčko i td.

Kada nije bio na terenu radio je u kancelariji sa istim elanom.

Mnoga priznanja koja je dobio za svoj savjestan i kvalitetan rad su bila mala u srazmjeri prema poštovanju i pažnji koji je imao od svih kolega iz struke kao i mnogobrojnih prijatelja i poznanika u Sarajevu kao i mjestima kojima je radio.

Po odlasku u zasluženu penziju gospodin Sekula i dalje ostaje ono što je bio cijeli život; omiljen kod kolega, prijatelja i komšija. Kratko rečeno Gospodin je Gospodin.

Sahrana gospodina Sekule Jokanovića obavljena je na gradskom groblju Bare u Sarajevu uz prisustvo mnogobrojne rodbine, komšija i velikog broja prijatelja i kolega.

Za njim će vječno tugovati njegova mnogobrojna familija a naročito supruga Danica – Daga, njegova životna saputnica.

Nama koji smo sa njim radili i družili se ostaje velika praznina i tuga ali i ponos i obaveza da ga ne zaboravimo.

Drljević – Perišić